



ESTATUTOS DO CLUB DE MONTAÑA O CARROUCHO

PREÁMBULO

O Club de Montaña O CARROUCHO constituíuse o día 25 de novembro de 1999, segundo consta na súa Acta Fundacional.

O Club de Montaña O CARROUCHO en Asemblea Xeral Extraordinaria do día 11 de decembro de 1999 aprobou os seus Estatutos e solicitou a súa inscrición no Rexistro de Asociacións deportivas de Galicia, que lle foi concedida, co número de rexistro 6473 con data 24 de Xaneiro de 2000

O Club de Montaña O CARROUCHO en Asemblea Xeral Extraordinaria do día 7 de febreiro de 2018 aprobou a modificación dos seus Estatutos para adaptalos á Lei 3/2012 do Deporte de Galiza.





ESTATUTOS DO CLUB DE MONTAÑA O CARROUCHO

CAPITULO I NORMAS XERAIS

Artigo 1º

O Club de Montaña O Carroucho é unha Asociación privada con personalidade xurídica e capacidade de obrar, integrada por persoas físicas ou xurídicas, con personalidade xurídica propia e capacidade de obrar, con domicilio na Comunidade Autónoma de Galicia, que ten como obxecto exclusivo o fomento e o impulso da práctica continuada dunha ou varias modalidades deportivas así como a participación en actividades e competicións deportivas calquera que sexa o seu nivel e destinatario.

Artigo 2º

O Club de Montaña O Carroucho practicará como principal modalidade deportiva a de MONTAÑISMO, afiliarse á Federación Galega de Montañismo e solicitará a ratificación dos Estatutos e a inscrición no Rexistro de Entidades Deportivas de Galicia, de conformidade coa Lei 3/2012, do 2 de abril, do deporte de Galicia.

O club poderá acordar a creación de novas seccións para a práctica de outras modalidades deportivas, debendo afiliarse ás correspondentes federacións.

Artigo 3º

O domicilio social fíxase no Edificio de Servizos Múltiples na rúa Ramón Cabanillas nº 14, C.P. 15670, de O Burgo, Culleredo (A Coruña) (tel 618617799, fax 981661648, e-mail carroucho@carroucho.org).

O Presidente cando as circunstancias o aconsellen, poderá acordar o cambio do domicilio social dentro da mesma localidade. Para o traslado do domicilio a outra localidade, que deberá ser sempre dentro do territorio da Comunidade Autónoma de Galicia, será necesario o acordo maioritario da Asemblea Xeral Extraordinaria.

En ambos os casos, o traslado de domicilio social non implicará modificación estatutaria, e terá de ser notificado aos socios, e ao Rexistro de Entidades Deportivas de Galicia.



Comunidade Galega

[Handwritten signature]



CAPITULO II

CLASES DE SOCIOS, ADMISIÓN, DEREITOS E OBRIGACIÓNS

Artigo 4º

O número de socios será ilimitado. A Asemblea Xeral poderá suspender, non obstante, a admisión de novos socios cando así o esixan razóns de aforo ou capacidade física das instalacións. Os socios poderán ser das seguintes clases: de número, honorarios, aspirantes e familiares.

Artigo 5º

Son socios de número todas as persoas maiores de idade, que satisfagan a cota social establecida pola Asemblea Xeral.

Os menores de 18 anos, clasificaranse como socios aspirantes, tendo dereito ao uso das instalacións sociais mediante a cota que se fixe e pasarán automaticamente a ser socios de número ao cumpriren a maioría de idade.

Serán socios honorarios aquelas persoas ás que a Asemblea Xeral confira esta distinción e terán un posto de preferencia nos actos oficiais da sociedade.

Son socios familiares todas aquelas persoas que dependan economicamente dun socio de número e convivan con el no mesmo domicilio.

Artigo 6º

1.- Os **socios de número** terán os seguintes **dereitos**:

- a) Contribuír ao cumprimento dos fins específicos da Asociación.
- b) Esixir que a Asociación se axuste ao disposto na normativa autonómica deportiva e ao establecido nos presentes Estatutos.
- c) Separarse libremente da Asociación.
- d) Coñecer as actividades da Asociación e examinar a súa documentación, previa petición razoada á Presidencia.
- e) Expor libremente as súas opinións no seo da Asociación.
- f) Ser elector e elixible para os órganos de representación e goberno da Asociación, sempre que teña plena capacidade de obrar.

2.- Son **obrigacións dos socios de número**:

- a) Aboar as cotas que esixa a Asemblea Xeral.
- b) Contribuír ao sostemento e difusión do deporte ou modalidades deportivas da Asociación.
- c) Acatar cantas disposicións dite a Asemblea Xeral, a Xunta Directiva ou Presidencia, para o bo goberno da Asociación.



3.- Os socios aspirantes terán dereito a aproveitarse dos servizos e instalacións sociais da Asociación.

4.- Os familiares dos socios de número terán dereito a aproveitarse daqueles servizos e instalacións que se determinen, previo pago da cota fixada.

Artigo 7º


Para ser admitido como socio, en calquera das súas modalidades, será necesario:

1. Ter a idade sinalada para cada unha delas.
2. Solicitud por escrito dirixida á Presidencia.
3. Satisfacer a cota de ingreso correspondente.

Artigo 8º

A condición de socio pérdese:

1. Por vontade propia.
2. Por falta de pago das cotas sociais durante tres meses consecutivos, previo requirimento de pago, e consecuente Resolución da Presidencia.
3. Por acordo da Presidencia no seu caso, fundado en faltas de carácter grave, previa audiencia da persoa interesada, que haberá de ser ratificado na primeira Asemblea Xeral que se celebre.
4. Por calquera outra causa establecida na lexislación vixente.



En feite Carroucho

CAPITULO III

ÓRGANOS DE REPRESENTACIÓN E GOBERNO

Artigo 9º

Son órganos de representación e goberno do Club, a Asemblea Xeral e a Presidencia.

Artigo 10º

A Presidencia é o órgano executivo do Club, posúe a representación legal, convoca e preside os órganos de representación e goberno executando os acordos destes.

O cargo de Presidente/a é a título gratuito e carente de interese nos resultados económicos da explotación, por si mesmo ou a través de persoa interposta.

Será elixida mediante sufraxio libre, directo e secreto por e entre os membros da Asemblea Xeral, cada 4 anos.

Artigo 11º

A Presidencia cesará por:

- Transcorrer o prazo polo que foi elixida.
- Dimisión.
- Falecemento ou incapacidade física ou psíquica para continuar no exercicio do seu cargo.
- Aprobación dunha moción de censura pola Asemblea Xeral.
- Inhabilitación por sentenza xudicial firme ou sanción deportiva.



Artigo 12º

1.- Como órgano complementario dos de goberno e representación constituirase unha Xunta Directiva que actuará como órgano colexiado de xestión do Club, e exercerá as funcións que estes estatutos lle confiren.

2.- Os membros da Xunta Directiva serán designados e revocados libremente pola Presidencia, debendo dar conta diso na primeira Asemblea Xeral que se celebre. Da Xunta Directiva formarán parte como mínimo un Secretario e un Tesoureiro. Pode existir un Vicepresidente e un Vogal por cada sección deportiva. Será constituída por un número mínimo de tres persoas e un máximo de cinco. Todos os cargos serán gratuitos e carecen de interese nos resultados económicos do club por si mesmos ou persoa interposta.

[Handwritten signature]



Artigo 13º

1.- A Xunta Directiva quedará validamente constituída en primeira convocatoria cando concorran a ela a maioría dos seus membros. En segunda convocatoria será suficiente a concorrencia, polo menos, de tres dos seus membros, e, en todo caso da Presidencia.

2.- A Xunta Directiva convocarase pola Presidencia, con dous días de antelación como mínimo, á data de celebración.

A Xunta Directiva quedará tamén validamente constituída, cando estean presentes todos os seus membros, aínda que non houbera mediado convocatoria previa.

3.- En especial corresponde á Xunta Directiva:

- a) Dirixir a xestión do Club, velando polo cumprimento do seu obxecto social.
- b) Formular o inventario, memoria e presuposto anual, que se someterá a aprobación da Asemblea.
- c) Aplicar todas as medidas deportivas, económicas e administrativas precisas para o fomento e desenvolvemento do deporte dentro do Club.

Artigo 14º

O Secretario da Xunta Directiva coidará do arquivo da documentación, redactará cantos documentos afecten á marcha administrativa da Asociación e levará o Libro de rexistro de socios e o Libro de Actas.

Artigo 15º

1.- O Tesoureiro da Xunta Directiva será o depositario da Asociación, asinará os recibos, autorizará os pagos e levará os Libros de Contabilidade.

2.- Será obriga do Tesoureiro formalizar, durante o primeiro mes de cada ano, un balance de situación e as contas de ingresos e gastos, que se porán en coñecemento de todos os asociados.

Artigo 16º

A Vicepresidencia da Xunta Directiva, no caso de existir, asistirá á Presidencia nas súas funcións. Actuará como presidente en funcións en ausencia do Presidente. Así mesmo poderá actuar como Secretario en funcións en ausencia do mesmo.

Artigo 17º

Os Vocais son os representantes de cada sección na Xunta Directiva e actuarán como representantes ante a federación respectiva, se procede. Xestionarán os medios necesarios

para organizar e coordinar as actividades anuais da sección, en colaboración co resto da Xunta Directiva.

Artigo 18º

1.- A Asemblea Xeral é o órgano supremo do goberno do Club e estará integrada por todos os seus socios de número.

2.- As Asembleas Xerais, tanto Ordinarias como Extraordinarias, quedarán validamente constituídas en primeira convocatoria cando concorran a ela a maioría dos seus asociados. En segunda e última convocatoria, media hora máis tarde, quedarán constituídas calquera que sexa o número de membros presentes. Entre a data de convocatoria e o día sinalado para a súa celebración terán de mediar, como mínimo, dez días naturais e non poderán transcorrer máis de vinte.

Artigo 19º

A Asemblea Xeral convocarase pola Presidencia a iniciativa propia ou do vinte e cinco por cento, alomenos, dos socios de número.

1.- A Asemblea Xeral reunirse con carácter ordinario, previa convocatoria da Presidencia, polo menos unha vez ao ano para tratar as seguintes cuestións:

- a) Memoria, liquidación do presuposto, balance do exercicio, rendición de contas e aprobación das mesmas, se procede.
- b) Presuposto para o seguinte exercicio.
- c) Modificación de cotas anuais dos socios.
- d) Proxecto e propostas da Presidencia ou da Xunta Directiva.
- e) Proposicións que formulen os socios e que terán de ir asinadas polo menos, polo cinco por cento dos mesmos.

2.- Terá que se celebrar Asemblea Xeral Extraordinaria para a modificación de Estatutos, elección da Presidencia, toma de cartos a préstamo, emisión de títulos representativos de débeda ou de parte alicuota patrimonial, alleamento de bens inmoables e calquera outro acordo previsto nestes Estatutos ou que se estime oportuno pola Presidencia ou proceda legalmente.

Artigo 20º

Os acordos da Asemblea Xeral adoptaranse por maioría simple dos presentes, requiríndose unha maioría cualificada e un quórum determinado de asistencia para aqueles asuntos que establezan os Estatutos. Serán vinculantes e de obrigado cumprimento e terán forza executiva a partir da data da súa adopción, sen prexuízo, por razón da materia, da posibilidade da súa impugnación perante os órganos competentes da Federación Galega Deportiva da modalidade ou perante o Comité Galego de Xustiza Deportiva.



CAPITULO IV
RÉXIME DOCUMENTAL

Artigo 21º

O réxime documental do Club, constará dos seguintes libros: Rexistro de Socios, de Actas e Contables.

Artigo 22º


No libro de Rexistro de Socios, terán de constar os nomes e apelidos dos socios de número, o seu Documento Nacional de Identidade e, no seu caso, os cargos de representación, goberno e administración que exerzan no Club. Tamén hanse especificar as datas de altas e baixas, e as de toma de posesión e cese nos cargos aludidos.

Artigo 23º

No libro de Actas, consignaranse as reunións que celebre a Asemblea Xeral e a Xunta Directiva, con expresión da data, asistentes, asuntos tratados e acordos adoptados. As Actas terán que estar asinadas, en todo caso, polo Presidente e o Secretario.

Artigo 24º

Nos Libros de Contabilidade figurarán tanto o patrimonio como os dereitos e obrigacións, e ingresos e gastos do Club, debéndose precisar a procedencia daqueles e a inversión ou destino destes.



Esse un carroucho

[Handwritten signature]

O Carrocho

CAPITULO V REGULAMENTO DE RÉXIME INTERNO

Artigo 25º

A Xunta Directiva elaborará normas de funcionamento interno que formarán parte do Regulamento de Réxime Interno e que desenvolverán aquelas materias contempladas, ou non, nos presentes Estatutos. Non poderán ir, en ningún caso, en contra do estipulado nestes Estatutos.

CAPITULO VI RÉXIME DISCIPLINARIO

Artigo 26º

Tanto os órganos de goberno como os socios do Club estarán sometidos ao regulamento disciplinario do Club e ao disposto no Título VII da Lei 3/2012, do Deporte de Galicia, e a súa normativa de desenvolvemento.

Artigo 27º

Así mesmo a Presidencia e os membros da Xunta Directiva responderán fronte os socios, o Club ou terceiros dos prexuízos que ocasionaren por culpa ou negligencia grave, de conformidade coa regulamentación propia do Club e o ordenamento xurídico vixente.



[Handwritten signature]



CAPITULO VII
RÉXIME ECONÓMICO-FINANCIERO E PATRIMONIAL

Artigo 28º

1.- No momento da creación o Club non dispón de patrimonio fundacional nin instalacións ou locais propios de ningún tipo.

2.- No futuro o patrimonio do Club estará integrado por:

- a) As achegas económicas dos socios, que aprobe a Asemblea Xeral.
- b) As doazóns e subvencións que reciba.
- c) Os resultados económicos que poden producir as manifestacións físico-deportivas que organice a entidade.
- d) As rendas, froitos e intereses do seu patrimonio.

Queda expresamente excluído como fin do Club o ánimo de lucro. A totalidade dos seus ingresos e beneficios aplicaranse ao cumprimento dos seus fins sociais.

Artigo 29º

O Club someterase ao réxime do presuposto e patrimonio propio coas seguintes limitacións:

- a) Non poderá destinar os seus bens a fins industriais, comerciais, profesionais ou de servizo, nin exercer actividades de igual carácter co fin de repartir beneficios entre os seus socios. Os seus ingresos e beneficios aplicaranse integramente ao cumprimento dos fins que constitúen a súa razón de ser.
- b) Poderá fomentar actividades de carácter físico-deportivo dirixidas ao público en xeral, aplicando os beneficios obtidos ao desenvolvemento das actividades físicas e deportivas dos seus socios.

Artigo 30º

O Club poderá gravar e allear bens, mobles e inmobles, tomar diñeiro a préstamo e emitir títulos transmisibles representativos de débeda ou parte alícuota patrimonial, sempre que cumpra os seguintes requisitos:

1. Que se autoricen tais operacións por maioría de dous terzos dos socios presentes ou representados na **Asemblea Xeral Extraordinaria**.
2. Que ditos actos non comprometan de modo irreversible o patrimonio da entidade ou a actividade físico-deportiva que constituía o seu obxecto social. Para a adecuada xustificación deste extremo poderase esixir, sempre que o soliciten como mínimo o cinco por cento dos socios de número, o oportuno ditame económico-actuarial.

3. Cando se trate de gravar ou allear bens, mobles e inmobles que foran financiados en todo ou parte, con Fondos Públicos da Comunidade Autónoma será preceptiva a autorización previa do órgano competente da Xunta de Galicia.

Artigo 31º

O Club poderá emitir títulos de débeda ou de parte alícuota patrimonial, que serán nominativos.

Os títulos inscribíranse nun libro que levará ao efecto o Club, no que se anotarán as sucesivas transferencias.

En todos os títulos constará o valor nominal, a data de emisión, e, no seu caso, o interese e prazo de amortización.

Artigo 32º


Os títulos de débeda só se poderán subscribir polos asociados, e a súa posesión non conferirá dereito algún especial aos socios, agás a percepción dos intereses establecidos conforme á lexislación vixente.

Artigo 33

Os títulos de parte alícuota patrimonial han ser asemade, **subscritos polos asociados**. En ningún caso estes títulos darán dereito á percepción de dividendos ou beneficios.

Artigo 34º

Os títulos de débeda e parte alícuota patrimonial serán transferidos unicamente entre os que teñan a condición de socios.



ASBA



CAPITULO VIII

REFORMA DOS ESTATUTOS E DISOLUCIÓN DO CLUB

Artigo 35º

Os presentes Estatutos só se poderán modificar, reformar ou derrogar, por acordo da Asemblea Xeral Extraordinaria convocada a tal efecto, mediante votación favorable dos dous terzos dos socios de número asistentes.

A reforma destes estatutos seguirá, con respecto ao Rexistro de Entidades Deportivas de Galicia, os mesmos trámites administrativos que para a súa inscrición.

Artigo 36º

O Club extinguirase ou disolverase:

- Por acordo dos dous terzos dos socios en Asemblea Xeral Extraordinaria, convocada ao efecto.
- Por sentenza xudicial.
- Por outras causas legalmente determinadas.


En todo caso haberá de ser notificado ao Rexistro de Entidades Deportivas de Galicia.

Artigo 37º

Disolvido O Club, o remanente do seu patrimonio social, se houbera, aplicarase a fins análogos de carácter deportivo ben por acordo previo da Asemblea Xeral ou subsidiariamente polo órgano competente en materia de deporte da Xunta de Galicia.



32775582 - F



32809298 - M

DILIXENCIA: Para facer constar que os presentes estatutos do club O CARROUCHO CLUB DE MONTAÑA inscritos co número 32775582, foron modificados en data 02/04/2018 no Rexistro de Entidades Deportivas de Galicia, de conformidade co disposto na Lei 3/2012, de 2 de abril, do deporte de Galicia (DOG 13/04/2012). A Coruña, 2-A PRIL-2018.

